- Lukas 17:5 Rasul-rasul Yesus berkata kepada Yesus, "Tuhan, teguhkanlah iman kami.'
- Roma 10:17 Oleh itu orang dapat percaya kerana mendengar perkhabaran itu, dan orang dapat mendengar perkhabaran itu kerana ada orang yang memberitakan Kristus.
- Lukas 11:1 Pada suatu hari, Yesus berdoa di suatu tempat. Setelah Dia berdoa, salah seorang pengikut-Nya berkata kepada-Nya, "Ya Tuhan, ajarlah kami berdoa sebagaimana Yohanes mengajar pengikutnya berdoa."
- 1 Timotius 2:1-4 Pertama sekali aku menggesa supaya doa permohonan dan ucapan syukur disampaikan kepada Jehovah untuk semua orang, 2 untuk raja-raja dan semua penguasa. Berdoalah kepada Jehovah supaya kita boleh hidup dengan aman dan tenteram. Kita harus menghormati Jehovah, dan berlaku sopan terhadap orang lain. 3 Hal ini baik dan menyenangkan hati Jehovah, Penyelamat kita. 4 Dia mahu semua orang diselamatkan serta mengetahui ajaran benar tentang penyelamatan,
- Zakharia 3:1,2 Dalam penglihatan yang lain, TUHAN menunjukkan Imam Agung Yosua kepadaku. Imam Agung Yosua sedang berdiri di hadapan malaikat TUHAN. Iblis yang telah bersedia untuk menuduh Yosua, berdiri di sebelah Yosua. 2 Malaikat TUHAN berkata kepada Iblis, "Semoga TUHAN menghukum engkau, hai Iblis! Semoga TUHAN yang mengasihi Yerusalem menghukum engkau. Orang ini bagaikan puntung kayu yang ditarik dari api."
- Efesus 6:12 Hal itu demikian kerana kita tidak berjuang melawan manusia, tetapi melawan segala kuasa jahat di angkasa, iaitu roh-roh yang berkuasa dan yang memerintah zaman yang gelap ini.
- Efesus 6:10,11 Akhirnya, binalah kekuatan kamu dengan menerima kekuatan daripada kuasa Tuhan, kerana kamu hidup bersatu dengan Dia. 11 Pakailah seluruh perlengkapan senjata daripada Jehovah, supaya kamu dapat mempertahankan diri daripada muslihat Iblis yang jahat.
- Efesus 6:13-17 Oleh itu, sekarang, pakailah seluruh perlengkapan senjata daripada Jehovah, supaya pada hari yang jahat kamu dapat mempertahankan diri daripada serangan musuh. Dengan demikian setelah kamu berjuang sampai akhir, kamu tidak akan berganjak sedikit

- pun. 14 Oleh itu, kamu harus bersiap sedia! Gunakanlah ajaran benar tentang Jehovah sebagai tali pinggang dan ketulusan sebagai perisai dada. 15 Hendaklah kesediaan untuk mengisytiharkan Berita Baik yang membawa kesejahteraan menjadi seperti kasutmu. 16 Hendaklah kamu sentiasa gunakan kepercayaan kamu kepada Jehovah sebagai perisai di tangan. Dengannya kamu dapat memadamkan semua anak panah berapi daripada Si Jahat. 17 Terimalah penyelamatan daripada Jehovah sebagai topi besi, dan firman Jehovah sebagai pedang daripada Roh Jehovah.
- Ibrani 4:12 Firman Jehovah itu hidup dan berkuasa, lebih tajam daripada pedang bermata dua. Firman itu menusuk sampai ke batas antara jiwa dan roh, sampai ke batas antara sendi-sendi dan tulang sumsum. Firman Jehovah menghakimi fikiran dan niat hati manusia.
- Lukas 4:8 Yesus menjawab, "Di dalam Alkitab tertulis, `Sembahlah Tuhan Jehovahmu dan abdikan diri kepada Dia sahaja!' "
- Efesus 6:18 Lakukanlah semuanya sambil berdoa untuk meminta pertolongan daripada Jehovah. Berdoalah sentiasa, sebagaimana Roh Jehovah memimpin kamu. Oleh itu, bersiap sedialah dan janganlah menyerah. Berdoalah sentiasa untuk semua umat Jehovah.
- 1 Samuel 17:45-47 Daud berkata, "Engkau datang melawan aku dengan pedang, tombak, dan lembing. Tetapi aku datang melawan engkau demi nama TUHAN Yang Maha Kuasa, Jehovah tentera Israel, yang engkau hina itu. 46 Hari ini juga TUHAN akan menyerahkan engkau ke dalam tanganku. Aku akan mengalahkan engkau dan memenggal kepalamu. Aku akan memberikan tubuh tentera Filistin kepada burung dan binatang supaya dimakan. Dengan demikian seluruh dunia akan tahu bahawa kami, bangsa Israel mempunyai Jehovah. 47 Semua orang di sini akan melihat bahawa TUHAN tidak memerlukan pedang ataupun tombak untuk menyelamatkan umat-Nya. Dia sentiasa menang dalam peperangan, dan Dia akan menyerahkan kamu semua ke dalam tangan kami."
- Lukas 10:17-20 Tujuh puluh dua orang pengikut itu kembali dengan kegembiraan yang besar. "Tuhan," kata mereka, "roh-roh jahat pun taat kepada kami apabila kami memberikan perintah dengan nama Tuhan!" 18 Yesus berkata kepada mereka, "Aku nampak Iblis jatuh dari langit seperti kilat. 19 Dengarlah! Aku sudah memberikan kuasa kepada kamu supaya dapat memijak ular dan kala jengking serta mengalahkan segala kekuatan musuh. Tiada apa-apa pun dapat mencederakan kamu. 20 Tetapi janganlah bersukacita kerana roh-roh jahat taat kepada kamu,

- sebaliknya bersukacitalah kerana nama kamu tercatat di syurga."
- 2 Korintus 10:3-5 Memang benar kami ini hidup di dalam dunia, tetapi perjuangan kami tidak berdasarkan tujuan duniawi. 4 Senjata yang kami gunakan dalam perjuangan, bukannya senjata dunia ini, melainkan senjata yang diberikan oleh Jehovah. Dengan senjata itu kami boleh menghancurkan pertahanan musuh; kami menghapuskan perdebatan 5 dan mengatasi setiap alasan yang diajukan oleh orang sombong untuk menentang pengetahuan tentang Jehovah. Kami menawan fikiran orang supaya taat kepada Kristus.
- Matius 16:19 Aku akan memberikan kunci Dunia Baru Jehovah kepadamu. Apa yang engkau larang di atas bumi, akan dilarang juga di syurga. Apa yang engkau benarkan di atas bumi, akan dibenarkan juga di syurga."
- 2 Timotius 1:7 Roh yang diberikan oleh Jehovah kepada kita tidak menjadikan kita penakut, sebaliknya Roh Jehovah melengkapi kita dengan kuasa, kasih, dan kekuatan untuk mengawal diri.
- Matius 12:28,29 Roh Jehovah memberi Aku kuasa untuk mengusir roh jahat. Hal ini membuktikan bahawa Jehovah sudah mula memerintah di kalangan kamu. 29 Tidak seorang pun dapat masuk ke dalam rumah seorang yang kuat lalu merampas hartanya, kecuali dia terlebih dahulu mengikat orang kuat itu. Barulah dia dapat merampas hartanya.
- Efesus 1:13 Kamu juga menjadi umat Jehovah, ketika kamu mendengar berita tentang ajaran benar, yang telah dijanjikan-Nya itu.
- Kisah Rasul-Rasul 19:6 Ketika Paulus meletakkan tangannya ke atas kepala mereka, Roh Jehovah menguasai mereka, lalu mereka bertutur dalam bahasa-bahasa yang ajaib, serta menyampaikan perkhabaran Jehovah.
- Markus 16:15-18 Yesus berkata kepada mereka, "Pergilah ke seluruh dunia dan khabarkanlah Berita Baik daripada Jehovah kepada seluruh umat manusia. 16 Orang yang percaya dan dibaptis akan selamat, tetapi orang yang tidak percaya akan dihukum. 17 Kepada mereka yang percaya akan diberikan tanda-tanda ini: Mereka akan mengusir roh jahat demi nama-Ku; mereka akan berkata-kata dalam bahasa yang tidak diketahui. 18 Jika mereka memegang ular atau meminum racun, mereka tidak akan mendapat celaka. Jika mereka meletakkan tangan pada orang sakit, orang sakit akan sembuh."
- 1 Yohanes 1:9 Tetapi jika kita mengakui dosa kita kepada Jehovah, Dia akan menepati janji-Nya dan melakukan apa yang adil. Dia akan mengampunkan dosa kita dan membersihkan kita daripada segala

- perbuatan yang salah.
- Keluaran 20:5 Jangan sujud atau sembah kepada patung apa pun, kerana Akulah TUHAN, Jehovah kamu, dan Aku tidak mahu disamakan dengan apa-apa pun. Aku menghukum orang yang membenci Aku. Aku juga menghukum keturunan mereka sehingga generasi yang ketiga dan keempat.
- Mazmur 109:17 Dia suka mengutuk; biarlah dia sendiri dikutuk! Dia tidak suka memberkati orang; biarlah tidak seorang pun memberkati dia!
- Hakim-Hakim 16:16 Tiap-tiap hari Delila terus-menerus merengek-rengek dan mendesak, sehingga Simson bosan mendengarnya.
- Efesus 4:26 Jika kamu marah, janganlah biarkan kemarahan itu menyebabkan kamu berdosa. Janganlah marah sepanjang hari.
- Roma 14:12 Oleh itu, kita masing-masing harus mempertanggungjawabkan segala perbuatan kita kepada Jehovah.
- 1 Yohanes 2:23 Sesiapa yang tidak mengakui Anak, juga tidak mengakui Bapa. Sesiapa yang menyambut Anak, menyambut Bapa juga.
- Yohanes 14:6 Yesus menjawab, "Akulah jalan untuk mengenal Jehovah dan untuk mendapat hidup. Tidak seorang pun dapat datang kepada Bapa kecuali melalui Aku.
- Matius 11:28-30 Marilah kepada-Ku, hai kamu semua yang lelah kerana memikul beban yang berat; Aku akan membebaskan kamu daripada beban kamu. 29 Ikutlah perintah-Ku dan terimalah ajaran-Ku, kerana Aku ini lemah lembut dan rendah hati; kamu akan mendapat kesejahteraan. 30 Perintah yang Aku berikan kepada kamu mudah diturut, dan beban yang Aku berikan mudah dipikul.
- 2 Korintus 6:2 Di dalam Alkitab, Jehovah berfirman, "Pada masa yang diperkenankan, Aku sudah mendengarkan engkau, dan pada hari penyelamatan, Aku sudah menolong engkau." Ketahuilah bahawa sekaranglah masa yang diperkenankan Jehovah, dan sekaranglah hari kamu diselamatkan!
- Roma 10:13 Di dalam Alkitab juga tertulis, "Setiap orang yang berseru kepada Tuhan akan diselamatkan."

Pastor T. John Franklin
Church of Salvation, Healing, and Deliverance
COS-HAD.org